



FRÉTTABRÉF BSSL

EFNI BRÉFSINS:

Kynbótasýning hrossa	2
Aðalfundur BSSL Samþykktar tillögur.....	3
Fræðslufundur í sauðfjárrækt vorið 2007	4
Nýtum rakan í jarð- veginum	6
Sáðdýpt sáðgresis	6
Beit mjólkurkúa	7
Aðalfundur BSSL Viðurkenningar	8
Aðalfundur BSSL Hugmyndir að dagskrá afmælisársins 2008.....	8
Róglegt yfir viðskiptum með greiðslumark í mjólk	8

Á DÖFINNI:

- **28. apríl**
Ræktun 2007 í
Ölfushöllinni
- **7.-9. maí**
Mengun í jarðvegi og
mótvegisaðgerðir
LBHÍ, Keldnaholti
- **30. apríl - 4. maí**
Skráning á kynbótasýningu
í Hafnarfirði

Tilkynning til SUNNU-bænda

Við viljum minna SUNNU-bændur á að skila til okkar afriti af ársreikningnum til þess að hægt sé að vinna rekstrargreiningu fyrir árið 2006 sem fyrst. Hægt er að senda skrána rafrænt á netfangið valdimar@bssl.is.

Fjármálaþjónusta BSSL

Skráningar á kynbótasýningar í umsjón BSSL

Að þessu sinni verða fjórar sýningar í umsjón BSSL. Skráningar á fyrstu sýninguna sem haldin verður á Sörlastöðum í Hafnarfirði dagana 14.-25.maí standur yfir í þessari viku, 30. apríl til 4. maí. Hægt er að skrá hross til sýningar í síma 480-1800 eða á www.bssl.is

Aðrar sýningar í umsjón BSSL og nánari upplýsingar er að finna innar í fréttabréfinu.

Halla Eygló Sveinsdóttir

Viðvera sauðfjárræktarráðunauta

Pórey Bjarnadóttir, sauðfjárræktarráðunautur BSSL, verður í fríi í maímánuði eða frá 30. apríl til 30. maí nk.

Staðan í mjólkurframleiðslunni

Undanfarin misseri hefur verið mikil framleiðsla á mjólk. Nefna má sem dæmi að innvigtun í mjólkurbúið á Selfossi er orðin rúmlega 47,5 milljónir lítra á síðustu 12 mánuðum og hefur aldrei áður verið slík innvigtun á 12 mánaða tímabili. Aukning síðustu vikna hefur verið á bilinu 7-8% miðað við sambærilegar vikur árið áður. Á landinu öllu er innvigtun síðustu 12 mánuði rúmlega 119,6 milljónir lítra fyrir utan það magn sem lagt er inn hjá Mjólkku.

Rétt er að geta þess að greiðslumark núverandi verðlagsárs er 116 milljónir lítra og gefið hefur verið út að öll umfram mjólk verði greidd að fullu miðað við afurðastöðvarverð.

Þá er rétt að minna á að C-greiðsla kemur á alla mjólk í júlí og ágúst, C-greiðslan gæti orðið, miðað við fyrri ár, um 7 kr/l í júlí og 10-11 kr/l í ágúst. Þessar greiðslur koma því til viðbótar afurðastöðvarverðinu sem núna 47,45 kr/l miðað við grundvallarefnainnihald.

Kynbótasýningar hrossa.

Senn líður að kynbótasýningum og því rétt að kynna þær. Reiknað er með því að dómari standi nánast samfleytt frá 14. maí til 15. júní. Sýningin sem venjulega hefur verið í Kópavoginum mun færast yfir í Hafnarfjörð þannig það verða tvær sýningar þar. Þar sem tvær dómnefndir verða að störfum á Gaddstaðaflofum mun sýningin þar taka mun skemmri tíma og því ætti hún ekki að skarast við seinni sýninguna í Hafnarfirði. Dæmt verður frá mánudegi til fimmtudags en yfirlitssýning á föstudögum rétt eins og verið hefur undanfarin vor. Undanteking frá þessu er að öll hross sem koma til sýningar á Gaddstaðaflofum verða dæmd og síðan verður tveggja daga yfirlitssýning. Purfi að bæti við dögum verður þeim bætt framan við sýningarnar. Sýningin í Hornafirði verður felld niður ef skráningar verða færri en 15.

Að þessu sinni verða fjórar sýningar í umsjón Búnaðarsambandsins þær eru;

Sörlastaðir í Hafnarfirði dagana 14. til 25. maí

Tekið við skráningum í síma 480-1800 dagana 30. apríl til 4. maí

Héraðssýning Gaddstaðaflofum dagana 29. maí til 8. júní

Tekið við skráningum í síma 480-1800 dagana 14. til 18. maí

Sörlastaðir í Hafnarfirði dagana 11. til 15. júní

Tekið við skráningum í síma 480-1800 dagana 29. maí til 1. júní.

Hornafjörður 8. júní

Tekið við skráningum í síma 470-8088 dagana 29. maí til 1. júní

Einnig er hægt að skrá hross til sýningar á heimasíðu Búnaðarsambandsins, www.bssl.is. Sýningargjald á hvert hross er 10.500 kr. Ef hross er einvörðungu skráð í byggingardóm er sýningargjaldið 7.000 kr. Það skal hins vegar skýrt tekið fram að nauðsynlegt er að geta þess um leið og hrossið er skráð að það eigi einungis að mæta í byggingardóm, ef það er ekki gert er lítið svo á að það eigi að fara í fullnaðardóm. Hafi greiðsla ekki borist í síðasta lagi í lok síðasta skráningardags er viðkomandi hross ekki skráð í mót. Sýningargjöld er hægt að greiða á skrifstofu Búnaðarsambandsins að Austurvegi 1 á Selfossi eða inn á reikning nr. 0152-26-1618, kt: 490169-6609. Ef greitt er í banka er mikilvægt að biðja bankann um að faxes strax greiðslukvittun til Búnaðarsambandsins, faxnúmerið er 480-1818. **Mjög brýnt er að merkja greiðslu með númeri og nafni hrossins.** Ef greitt er í gegnum netbanka vinsamlegast sendið greiðslukvittun á netfangið helga@bssl.is. Hægt er að greiða sýningargjöldin með kreditkort. Endurgreiðsla á sýningargjöldum kemur aðeins til greina ef látið er vita um forföll áður en sýningar hefjast. Ekki er um fulla endurgreiðslu að ræða heldur einungis 8.000 kr.

Helstu breytingar frá því í fyrra eru sem hér segir:

- Allir stóðhestar sem koma til kynbótadóms fimm vetra og eldri þurfa að vera DNA-greindir til staðfestingar á ætterni.** Taka þarf stroksýni úr nös og þarf vitneskja um sýnatöku að liggja fyrir í WorldFeng fyrir sýningu.
- Allir stóðhestar 5 vetra og eldir sem koma til dóms þurfa að skila inn vottorðum um að úr þeim hafi verið tekið blóðsýni.** (Áður voru það líka yngri hestar). Þarf ekki að framvísa vottorðum fyrir hesta sem þegar liggur fyrir í WF að búið er að taka blóð úr.
- Hófar mega ekki vera lengri en 9,0 cm. Undantekningar frá þessari reglu má gera þegar hæð á herðar mælist 137-144 cm, mælt með stangarmáli, en þá má hóflengd vera allt að 9,5 cm og **ef hæðin er 145 cm eða meira má hóflengdin vera allt að 10,0 cm.** Ekki má muna meira en 2 cm á lengd fram- og afturhófa.
- Hámarksþykkt skeifna er 8 mm og **hámarksbreidd 23 mm** (var áður 22 mm). Sama breidd skal vera á fram- og afturfótaskeifum.
- Viðbót við áður samþykktar reglur varðandi röntgenmyndir. **“Hestur hlýtur ekki dóm nema myndataka hafi farið fram og niðurstöður liggja fyrir í WorldFeng”.** (Áður var nóg að framvísa vottorði um að búið væri að taka röntgenmynd). Á komandi ári þurfa 5, 6, 7 og 8 vetra hestar að vera myndaðir. Hestar fæddir árið 1998 eða fyrr þurfa ekki að vera myndaðir.

Eins og sjá má eru þetta nokkrar breytingar og um að gera að kynna sér þær vel. Til áherslu eru breytingarnar feitiletraðar. Eftirfarandi þarf að gera með góðum fyrirvara fyrir sýningar: Láta taka stroksýni úr stóðhestum 5 vetra og eldri. Röntgenmynda stóðhesta sem eru 5, 6, 7 og 8 vetra þar sem hestur fær ekki dóm nema niðurstöður liggja fyrir í WorldFeng. Reglur um kynbótasýningar má sjá í heild sinni á slóðinni www.bssl.is.



Að gefnu tilefni skal það tekið fram að öll hross sem koma til dóms verða að vera einstaklingsmerkt, þ.e. frost- eða örmerkt.

Halla Eygló Sveinsdóttir
Hrossaræktarráðunautur Bsb. Suðurlands

AÐALFUNDUR BSSL

Samþykktar tillögur aðalfundar 2007

Aðalfundur Búnaðarsambands Suðurlands var haldinn föstudaginn 20. apríl sl. að Heimalandi undir Eyjafjöllum. Farið var yfir rekstur Búnaðarsambandsins á liðnu ári sem var góður og hugmyndir að dagskrá afmælisárs kynntar en Búnaðar-sambandið verður 100 ára á árinu 2008. Fundurinn samþykkti 11 tillögur sem fara hér á eftir:

Allsherjarnefnd, framsögumaður Sigurður Loftsson

Tillaga 1. Endurskoðun á starfsemi Búnaðarsambands Suðurlands.

Aðalfundur Búnaðarsambands Suðurlands haldinn að Heimalandi 20. apríl 2007 beinir því til stjórnar, að skipa starfsnefnd til að endurskoða starfsemi Búnaðarsambandsins. Nefndin skal m.a. vinna, í samráði við búgreinafélögin á svæðinu, tillögur um eftirfarandi og skila fyrir næsta aðalfund:

- Hvaða verkefni skuli kostuð af búnaðarlagasamningi.
- Hvert sé eðlilegt grunngjald hverrar búgreinar af búnaðargjaldi.
- Hvað skuli teljast grunnþjónusta hverrar búgreinar og hvaða þjónusta skuli seld.

Greinargerð:

Á næsta ári, 2008 eru 100 ár liðin frá stofnun Búnaðarsambands Suðurlands. Eðli málsins samkvæmt hefur starfsemi þess tekið miklum breytingum í samræmi við breytingar í landbúnaðinum á hverjum tíma.

Við þessi tímamót er eðlilegt að skoða starfsemi og fjármögnun Búnaðarsambandsins í nútíð og til framtíðar. Búnaðarsambandið hefur nú hlut af starfsfé sínu í gegnum ákvæði búnaðarlagasamnings sem byggir á búnaðarlögum nr. 70/1998, að hluta er starfsemin fjármögnuð í gegnum búnaðargjald sem innheimt er bændum á hverjum tíma. Loks er hluti af fjármögnun sambandsins í gegnum sölu á þjónustu.

Spurning er hvort hin óljósu skil í fjármögnun Búnaðarsambandsins sé orðin hamlandi á þróun starfseminnar til framtíðar og hvort og þá hvernig megi breyta fjármögnuninni með það að markmiði að gera starfsemina enn öflugri og skilvirkari.

Með tillögunni er ætlað að skerpa þær áherslur sem yrðu í starfi Búnaðarsambandsins á næstu árum að lokinni skoðun, skilgreiningu og tillögum að fjármögnun starfsins til framtíðar.
Samþykkt samhljóða.

Tillaga 2. Sunnlenskar byggðir.

Aðalfundur Búnaðarsambands Suðurlands haldinn að Heimalandi undir Eyjafjöllum 20. apríl 2007, beinir því til stjórnar BSSL að skoða möguleika á uppfærslu verksins „Sunnlenskra byggða“ m. a með áherslu á rafræna útgáfu ritverksins.

Samþykkt samhljóða.

Tillaga 3. Fóðurtollar.

Aðalfundur Búnaðarsambands Suðurlands haldinn að Heimalandi undir Eyjafjöllum 20. apríl 2007, skorar á landbúnaðarráðherra að fella nú þegar niður alla tolla á innfluttum fóðurlöndum.

Samþykkt samhljóða.

Tillaga 4. Mikilvægi ræktunarlands.

Aðalfundur BSSL haldinn að Heimalandi undir Eyjafjöllum 20. apríl

2007, beinir því til sveitarfélaga að þau gæti að varðveislu ræktunarlands við aðalskipulagsgerð.

Samþykkt samhljóða.

Fjárhagsnefnd, framsögumaður Jón Vilmundarson

Tillaga 5. Fjárhagsáætlun Búnaðarsambands Suðurlands 2007.

Aðalfundur Búnaðarsambands Suðurlands haldinn að Heimalandi undir Eyjafjöllum 20. apríl 2007, leggur til að fjárhagsáætlun BSSL fyrir árið 2007 verði samþykkt.

Samþykkt samhljóða.

Tillaga 6. Lækkun sæðingagjalda.

Aðalfundur Búnaðarsambands Suðurlands haldinn að Heimalandi undir Eyjafjöllum 20. apríl 2007, leggur til að við gerð fjárhagsáætlunar Kynbótastöðvar Suðurlands fyrir rekstrarárið 2007 verði sæðingagjöld lækkuð í kr 500,- á kú.

Samþykkt samhljóða.

Tillaga 7. Árgjald 2007.

Aðalfundur Búnaðarsambands Suðurlands haldinn að Heimalandi undir Eyjafjöllum 20. apríl 2007, samþykkir óbreytt árgjald til BSSL alls kr. 1.000,- á félagsmann.

Samþykkt samhljóða.

Tillaga 8. Þóknun aðalfundarfulltrúa.

Aðalfundur Búnaðarsambands Suðurlands haldinn að Heimalandi undir Eyjafjöllum 20. apríl 2007, samþykkir að þóknun aðalfundarfulltrúa verði kr 10.000,-, að viðbætti vísitölubreytingu á grunni launavísitölu frá og með apríl 2005.

Samþykkt samhljóða.

Tillaga 9. Laun stjórnarmanna.

Aðalfundur Búnaðarsambands Suðurlands haldinn að Heimalandi undir Eyjafjöllum 20. apríl 2007, samþykkir að laun stjórnarmanna verði kr 10.000,- á hvern stjórnarfund auk dagpeninga og aksturs skv. Ríkistaxta og framreiknist með vísitölubreytingum samkvæmt grunni í launavísitölu frá apríl 2005. Formaður fái tvöföld laun og dagpeninga á við aðra stjórnarmenn auk aksturs. Formaður fái að auki eingreiðslu sem nemur kr 150.000,- m.v. árið 2003 sem framreiknast með launavísitölu.

Samþykkt samhljóða

Fagmálanefnd, framsögumaður Sigríður Jónsdóttir

Tillaga 10. Efling Bændabókhalds BSSL.

Aðalfundur Búnaðarsambands Suðurlands haldinn að Heimalandi undir Eyjafjöllum 20. apríl 2007, skorar á stjórn BSSL að efla bændabókhald Búnaðarsambandsins sem kostur er. Einnig að tryggja bændum áframhaldandi aðgang að góðum leiðbeiningum um rekstur, fjármál og bókhald í landbúnaði.

Samþykkt samhljóða.

Tillaga 11. Fjölgun mældra efnapátta í heyefnagreiningum.

Aðalfundur Búnaðarsambands Suðurlands haldinn að Heimalandi undir Eyjafjöllum 20. apríl 2007, skorar á Landbúnaðarháskóla Íslands að fjölga mældum efnapáttum í heyefnagreiningum og að vinna enn frekar að því að stytta tímann sem efnagreiningar taka.

Samþykkt samhljóða.

Fræðslufundir í sauðfjárrækt vorið 2007

Fræðslufundir Búnaðarsambands Suðurlands í sauðfjárrækt fóru fram dagana 20. og 21. mars síðastliðinn í sýslunum fjórum. Þar var farið yfir niðurstöður skýrsluhaldsins 2006, veturgamlir hrútar verðlaunaðir fyrir sláturlömb og eldri hrútar verðlaunaðir eftir BLUP kynbótamati fyrir kjötmatseiginleika 2006. Fræðsluerindið að þessu sinni kom frá Póreyju Bjarnadóttur og fjallaði það um samarbeiðisauðfjár á ræktuðu landi og fóðurrepju. Nánar verður hægt að lesa um það í næsta tölublaði Freys.

Niðurstöður skýrsluhaldsins byggðust á þeim skýrslum sem komnar voru til uppgjörs í byrjun mars. Reiknaður kjötpungi eftir hverja á var mestur í V-Skaftafellssýslu (27,2 kg) en A-Skaftafellssýsla var ekki langt undan með 27,1 kg eftir hverja á. Mesti kjötpunginn eftir hverja á var í Sf. Gaulverjabæjarhrepps, 30,5 kg. Besta frjósemin af sýslunum fjórum var í A-Skaftafellssýslu 188 lömb fædd eftir 100 ær og 171 til nytja. Flest lömb fædd eftir 100 ær var í Sf. Gaulverjabæjarhrepps 198, en flest til nytja voru í Sf. Örfæinga 179. Gæðamatið fyrir árið 2006 var ekki komið og því var yfirlitsskýrslunum ekki dreift á fundunum. Það verður hægt að nálgast þær á heimasíðu Búnaðarsambandsins www.bssl.is fljótlega eða fá þær sendar í pósti.

Að venju voru veturgamlir hrútar verðlaunaðir fyrir sláturlömb. Í pottinum voru allir veturgamlir hrútar sem fengu 35,5 stig eða meira í samanlögð stig fyrir bak, malir og læri (BML) haustið 2006. Til að hrútur komi til röðunar þarf að vera búíð að skila skýrslum til Bændasamtaka Íslands og gögn borist til baka til Búnaðarsambandsins. Skilyrði er að hrúturinn eigi að lágmarki 15 sláturlömb haustið 2006 og hafi yfirburði á sínu búi í einkunn fyrir gerð og fitu, fallþunga og hlutfall gerðar og fitu. Þrjú hrútar voru verðlaunaðir í hverri sýslu. Efstur í Árnæssýslu var Nebbi frá Laugum, en hann var keyptur frá Sveinungsvík. Nebbi var með yfirburði á sínu búi í fallþunga, einkunn fyrir og fitu og hlutfalli gerðar og fitu. Í Rangárvallasýslu var efstur Álfur frá Drangshlíðardal undan Tý (02-929). Álfur var yfir búsméðaltalinu í fallþunga, einkunn fyrir gerð og fitu og hlutfalli gerðar og fitu. Í Vestur-Skaftafellssýslu raðaðist 05-112 frá Prestsbakka í efsta sætið undan 02-102 Álssyni (00-868). Hann var yfir meðaltali búsinu í öllum þáttum, nema hann var með aðeins óhagstæðari fituflokkun. Í Austur-Skaftafellssýslu var efstur Ýmir frá Fornustekku undan Fjára Vinssyni (99-867). Ýmir var með yfirburði á sínu búi í öllum matsþáttunum. BLUP verðlaunaveitingarnar fara yfirleitt fram að hausti, þar sem reiknað er út frá kjötmatinu haustið áður.


Verðlaunaðir eru 5 efstu hrútarnir í hverri sýslu. Skilyrði er að verðlaunahrútur 2006 hafi átt afkvæmi 2005. Raðað er eftir heildareinkunn þar sem fita gildir 60% og gerð 40% og verður hrúturinn að hafa lágmark 100 í einkunn fyrir hvorn eiginleika. Lágmarksfjöldi sláturlamba undan hrútnum er 15 lömb haustið 2005. Í Árnæssýslu var efstur Álfur frá Hlemmiskeiði II undan Áli (00-868) frá Hesti, heildar-

einkunn 130,2. Í Rangárvallasýslu var Kaldi frá Selalæk efstur en hann er undan Hnetti (02-111) frá Kaldbak og keyptur þaðan, heildareinkunn 127,4. Í Vestur-Skaftafellssýslu var efstur Flosi frá Borgarfelli Hylssonur (01-883), heildareinkunn 133,2. Í Austur-Skaftafellssýslu var Bjartur frá Stapa efstur annað árið í röð en hann er sonur Áls frá Hesti, heildareinkunn 128,8. Athygli vakti hve mikill munur var á heildareinkunn þeirra hrúta er lentu í fyrsta sætinu og hinna sem á eftir komu. Yfirleitt sköruðu efstu hrútarnir fram úr hinum.

Síðastliðið haust (2006) gleymdist að skrá inn eitt lambhrútablað frá Álfrólum í Vestur-Landeyjum. Svo vildi til að einn lambhrúturinn á þessu blaði var með 36,5 samanlögð stig fyrir bak, malir og læri og 87,0 stig í heildina. Með þær tölur raðast Álfrólur í 5. sæti með Kaldbak í Rangárvallahreppi. Faðir hrútsins er Partur 99-914.



Hluti af verðlaunahöfunum í Árnæssýslu bæði fyrir BLUP og veturgamla hrúta. Talið frá vinstri; Vilhjálmur á Hlemmiskeiði II, Sigurfinnur á Tóftum, Hafliði á Ósabakka III og Bjarni í Háholti sem tók við verðlaunum fyrir Erling á Sandlæk.



Hluti af verðlaunahöfunum í Rangárvallasýslu bæði fyrir BLUP og veturgamla hrúta. Talið frá vinstri; Erlendur í Skarði með óskirðan Erlendsson, Jens í Teigi og Guðgeir í Brú.



Hluti af verðlaunahöfunum í A-Skaftafellssýslu bæði fyrir BLUP og veturgamla hrúta. Kristín í Holtahólum og Bjarni á Fornustekku.

Efstu veturgömlu hrútarnir fyrir sláturupplýsingar 2006

Austur-Skaftafellssýsla								Sláturniðurstöður hrúts					Sláturniðurstöður bús			
Sæti	Nafn	Númer	Nafn býlis	Faðir	Stig	BML	Fjöldi	Fallþ.	Gerð	Fita	Hlutf.	Fallþ.	Gerð	Fita	Hlutf.	
1	Ýmir	05-145	Fornustekkar	Fjári	03-213	85,0	36,5	20	15,88	9,20	6,40	1,44	15,36	8,80	6,63	1,33
2	Toppur	05-025	Bjarnanes	Lóði	00-871	84,5	36,0	35	15,9	9,46	6,74	1,40	15,88	8,88	6,93	1,28
3	Sjóður	05-175	Fornustekkar	Jökull	04-124	86,0	36,0	22	15,4	8,95	6,5	1,38	15,36	8,80	6,63	1,33

Vestur-Skaftafellssýsla								Sláturniðurstöður hrúts					Sláturniðurstöður bús			
Sæti	Nafn	Númer	Nafn býlis	Faðir	Stig	BML	Fjöldi	Fallþ.	Gerð	Fita	Hlutf.	Fallþ.	Gerð	Fita	Hlutf.	
1	-	05-112	Prestsbakki	-	02-102	85,5	37,0	21	16,5	10,14	7,05	1,44	15,86	9,29	7,18	1,29
2	Nikulás	05-505	Kirkjubæjarkl. II	Hækill	02-906	84,5	35,5	36	14,7	9,92	5,86	1,69	14,71	8,80	5,91	1,49
3	Hvellur	05-249	Borgarfell	Hylur	01-883	86,5	36,0	19	17,7	11,32	7,26	1,56	17,09	10,48	7,09	1,48

Rangárvallasýsla								Sláturniðurstöður hrúts					Sláturniðurstöður bús			
Sæti	Nafn	Númer	Nafn býlis	Faðir	Stig	BML	Fjöldi	Fallþ.	Gerð	Fita	Hlutf.	Fallþ.	Gerð	Fita	Hlutf.	
1	Álfur	05-286	Drangshlíðardalur	Týr	02-929	84,0	36,0	15	15,8	9,40	6,20	1,52	15,68	7,89	6,59	1,20
2	Þráður	05-436	Teigur I	Lopi	03-156	84,0	36,0	20	15,8	10,55	5,75	1,83	15,83	9,22	6,10	1,51
3	Randver	05-206	Brú	Týr	02-929	84,5	35,5	17	15,6	9,76	5,88	1,66	15,37	8,32	5,9	1,41

Árnessýsla								Sláturniðurstöður hrúts					Sláturniðurstöður bús			
Sæti	Nafn	Númer	Nafn býlis	Faðir	Stig	BML	Fjöldi	Fallþ.	Gerð	Fita	Hlutf.	Fallþ.	Gerð	Fita	Hlutf.	
1	Nebbi	05-069	Laugar (f.Sveinungsvík)	-	04-533	85,5	36,0	30	18,3	10,80	7,67	1,41	17,99	9,67	7,92	1,22
2	Tvistur	05-770	Sandlækur	Ás	04-753	85,0	36,0	19	17,7	10,68	7,26	1,47	17,27	9,39	7,06	1,33
3	Sopi	05-361	Þverspyrna (f.Sveinungsvík)	Cat	04-207	84,0	36,0	35	17,9	10,31	7,00	1,47	16,76	8,86	6,64	1,33



Hluti af verðlaunahöfunum í V-Skaftafellssýslu bæði fyrir BLUP og veturgamla hrúta. Talið frá vinstri; Ólöf í Gröf tók við verðlaunum fyrir hjónin á Borgarfelli, Jón og Sigrún á Prestsbakka, Páll og Margrét á Mýrum, Ólafur Steinar á Reyni tók við verðlaunum fyrir Eyjólf í Pétursey, Sverrir, Fanney Ólöf og Sigurður Gísli á Kirkjubæjarklaustri II



Nebbi 05-069 frá Laugum.
F: 04-533 frá Sveinungsvík.



Álfur 05-286 frá
Drangshlíðardal. F: Týr 02-929.



02-112 frá Prestbakka.
F: 02-102..



Ýmir 05-145 frá Fornustekku.
F: Fjári 03-213.

Efstu hrútarnir í BLUP kynbótamati fyrir kjötmætseiginleika 2006.

Árnessýsla							
Nr.	Nafn	Býli	Faðir	Fita	Gerð	Heild	
03-789	Álfur	Hlemmiskeið II	00-868	Áll	141	114	130,2
04-774	Funi	Ósabakki III	01-883	Hylur	130	125	128,0
04-450	Lappi	Björk	00-891	Dreitill	120	131	124,4
01-379	Fannar	Þverspyrna	97-843	Lækur	127	118	123,4
03-028	Ylur	Tóftir	01-883	Hylur	115	135	123,0

Rangárvallasýsla							
Nr.	Nafn	Býli	Faðir	Fita	Gerð	Heild	
03-379	Kaldi	Selalækur	02-111	Hnöttur	143	104	127,4
02-111	Hnöttur	Kaldbakur	00-868	Áll	131	121	127,0
04-475	Varði	Teigur I	00-154	Sopi	135	106	123,4
04-127	Soldán	Skarð	00-891	Dreitill	129	113	122,6
04-436	Óður	Teigur I	01-883	Hylur	127	111	120,6

Vestur-Skaftafellssýsla							
Nr.	Nafn	Býli	Faðir	Fita	Gerð	Heild	
04-181	Flosi	Borgarfell	01-883	Hylur	140	123	133,2
04-179	Fleygur	Borgarfell	01-883	Hylur	124	124	124,0
04-077	Ári	Mýrar	02-904	Gári	125	121	123,4
00-325	Spakur	Pétursey	97-843	Lækur	125	120	123,0
04-176	Fáni	Borgarfell	00-909	Spakur	106	147	122,4

Austur-Skaftafellssýsla							
Nr.	Nafn	Býli	Faðir	Fita	Gerð	Heild	
02-353	Bjartur	Stapi	00-868	Áll	124	136	128,8
03-273	Vorm	Holtahólar	01-200	Melur	115	145	127,0
02-766	Áll	Vík	00-868	Áll	123	122	122,6
04-519	Dári	Brekka	01-591	Roði	105	145	121,0
04-772	Funi	Vík	02-904	Gári	124	116	120,8

Nýtum rakann í jarðveginum

Síðustu tvö ár hafa allnokkrir bændur orðið fyrir búsjífjum vegna langvarandi þurrkatíðar í maí og fram í júní. Gróðri hefur farið lítið fram á þessum tíma þrátt fyrir gott útlit í apríl og bjartsýni með gott vor og uppskerumikið sumar. Að sjálfsögðu er ekki fyrir séð hvernig viðra mun á okkur næstu vikur en hitt er þó augljóst að þeir aktrar sem nú er verið að sá í um allt land þurfa á raka að halda til að fræið nái að spíra og þroska plöntu.

Hvað getum við lært af liðnum sumrum?

Undanfarin tvö ár voru kornakrar bænda nokkuð breytilegir í uppskeru og þroska og á liðnu ári björguðu góðir ágúst- og septembermánuðir því sem bjargað varð í kornræktinni hér sunnanlands. Nokkurn mun mátti sjá milli þeirra akra sem höfðu nægan raka til að fræið spíraði og kæmist á legg fyrir þurrkakaflann og svo hinna sem fóru í jörð í upphafi þurrkatímabilsins eða á meðan á honum stóð. Ekki var þetta þó alveg einhlýtt. Stundum kom fyrir að sáð væri á hentugum tíma en þegar þurrkakaflinn hófst náðu plönturnar ekki rakanum úr neðri jarðvegslögum þar sem tenging efsta jarðvegslagsins við neðri og rakari jarðvegslög var ekki fyrir endi. Hárpúkraftur jarðvegsins spilar þarna stóra rullu þar sem raki úr neðri jarðvegslögum leitar upp á við eftir því sem uppgufunin úr efsta laginu eykst. Ef tenging efsta jarðvegslagsins við neðri jarðvegslög er léleg virkar

hárpúkrafturinn ekki en þessi kraftur og þessi raki getur ráðið úrslitum um sprettu gróðursins í þurrkaköflum.

Góð herfing og völtun akra er nauðsynleg!

Til að tryggja góða tengingu efsta jarðvegslagsins og þeirra neðri þarf að herfa akurinn vel og síðan valta. Líklegt er að í einhverjum tilvikum hafi plógstrengir ekki verið herfaðir nógu dúpt og átti það ekki sist við um þá akra þar sem pinnatætarar (rótherfi) voru notaðir. Pinnatætarar eru orkufrek tæki og að sjálfsögðu gerir tækið minni kröfur um stærð dráttarvélar eftir því sem grynna er unnið. Það skal áréttað hér að ekki er nóg að hræra rétt í yfirborði jarðvegsins til að gefa akrinum fallesta áferð, brjóta verður plógstrenginn vel niður svo tenging efsta lagsins við neðri jarðlög (þar sem rakinn er) sé tryggt. Þá má alls ekki sleppa því að valta yfir flagið að lokinni sáningu en of margir bændur freistast til sleppa þessum þætti þar sem flagið er svo blautt þegar sáð er í það eða biða með völtun of lengi eftir sáningu. Það gengur ekki! Völtunin tryggir enn frekar að efsta jarðvegslagið og neðri lög tengist betur saman svo að raki úr neðri lögum nýtist efsta laginu. Þá mynda moldin og fræið náið samband við völtunina og rót kímplöntunnar á auðveldara með að finna þann raka sem leynist í moldinni.

Jóhannes Hr. Símonarson


Sáðdýpt sáðgresis

Almennt má segja að því stærri sem fræ plantna eru því dýpra skal sá þeim. Þannig er ráðlögð sáðdýpt grasfræs aðeins um 1 cm, sáðdýpt korns 3-4 cm og sáðdýpt ertna 5-8 cm. Ástæða þess að stór fræ þurfi meiri sáðdýpt en lítil fræ er einkum að stór fræ þurfa að taka upp mikið vatn til að spíra og ef grunnt er sáð er ákveðin hættu á að þau fljóti upp á yfirborðið ef jarðvegurinn er laus í sér. Hættan á þessu minnkar ef valtað er strax eftir sáningu. Önnur og ekki síðri ástæða þess að sá þarf stórum fræjum dýpra er ásókn fugla í fræin.

Helstu misbrestir í sáningu virðast einkum vera fólgnar í að fræið fari of djúpt. Sú hættu er sérstaklega fyrir hendi í vel myldum og/eða lausum jarðvegi, einkum ef notaðar eru sáðvélar sem hafa greiðu aftast þar sem eigin þyngd greiðunnar ræður því hversu djúpt fræið fer. Við slíkar aðstæður er full ástæða til að valta flagið fyrir sáningu ekki síður en eftir sáningu. Einnig getur verið skynsamlegt að dreifa áburðinum fyrir ráðsáningu til að líkja eftir niðurfellingu áburðar ef ekki eru tiltækar þar til gerðar ráðsáðvélar. Þannig nýtist rakinn sem fær fræið til að spíra einnig til að leysa upp áburðarefnið svo þau verði tiltæk þegar fræið þarf á þeim að halda. Þetta er ekki síst mikilvægt þegar sáð er grasfræi þar sem fremur lítill forði er

í fræinu og plantan þarf mjög fljótt að bjarga sér. Ef smáu fræi s.s. grasfræi er sáð of djúpt minnkar það samkeppnishæfni þess í baráttunni við arfann og annað illgresi sem kann að leynast í jarðveginum. Þetta má sjá myndrænt á mynd 1 sem lýsir spírun jurta af grasaætt. Frærætur skjóta fyrst rótum og gera kímstönglinum kleyft að ná upp á yfirborðið. Þegar tvö til þrjú blöð hafa myndast fer vaxtarpunktur plöntunar að skjóta hinum eiginlegu rótum, s.k. krónurótum og plantan að lifa sjálfstæðu lífi. Fræið og kímstöngullinn hafa þar með lokið hlutverki sínu, visna og deyjja.

Sjá mynd á bls 7



Vaxtarferill plöntu af grasætt (bygg).

Beit mjólkurkúa

Nýting beitara er víða lykll í hagkvæmni í mjólkurframleiðslu. Eins og allt annað í kúabúskap þarf skipulag þessara hluta að vera í lagi. Spurningar sem ástæða er að velta fyrir sér eru m.a. eftirfarandi:

Hver er staða kúnna á mjólkurskeiðinu?

- Á að skipta hópnum upp?
- Hvað með kvígur sem bera síðsumars?

Hvaða spildur á að nýta?

- Vegalengd frá fjósi
- Nýleg tún
- Aðgengi að vatni

Hvaða beitar skipulag?

- Hólfabeit
- Randabeit
- Annað

Þessar spurningar og fleiri þurfa menn að skoða og meta út frá eigin aðstæðum. Mikilvægt er að átta sig á hvaða stærðir beitalands eiga við út frá gripafjölda og beitar skipulagi. Er til dæmis ástæða til að slá t.d. 1-2 hektara mjög snemma til að fá "háarbei" tímanlega? Hvað með nýtingu grænfóðurs, hvenær á að nýta það og hvaða tegundir? Sýnt hefur verið fram á að mikilvægt er að vera með beitina einsleita, þ.e. vera með eina grastegund í túni frekar en margar vegna lystugleika.

Beitartími – beitaratferli

Mikilvægt er að venja kúr við útveru sem fyrst og þá áður en full spretta er komin á tún. Venja þannig kúrnar við fodbreytinguna hægt og rólega og viðhalda takmarkaðri heygjöf allt sumarið. Sýnt hefur verið fram í rannsóknum

að mjólkurkúr nýta beitina í lotum yfir daginn, oft 4-6 lotur. Lengsta tímabilið er síðla dags en þær nýta beit mjög lítið þegar næturhúmið kemur.

Brynning

Lykilatriði er að kúr hafi gott aðgengi að góðu og rennandi vatni á beitinni. Vatnsþörfin er bæði háð umhverfishitastigi (lofthita) og dagsnyt. Sem dæmi má nefna að kúr í 20 til 30 kg dagsnyt þurfa að innibyrða um 100 lítra á dag miðað við algengan lofthita hér landi til að halda uppi þessari framleiðslu. Eðlilega kemur hluti þessara þarfa í gegnumbeitina sem er með 16-20% þurrefni. En meginhluta vatnsins þurfa kúrnar drekka. Staðið vatn í skurðendum eða lautum í túnum er ekki drykkjarvatn fyrir kúr!

Kjarnfóður, bygg og hey með beit

Góð beit er orku- og próteinrík. Eðlilegt er að nota kjarnfóðurböndu með frekar lágu próteininnihaldi. Bygg getur komið að verulegu leyti í staðinn fyrir hefðbundna kjarnfóðurböndu þegar kúr eru á beit. Ef (og það er stórt ef) beitinn er góð eiga kúr að geta mjólkað allt að 18-20 kg á dag af beitinni eingöngu!

Mikilvægt er að gefa hey með beitinni allt sumarið til að tempra vambarstarfsemina og ná þannig ákveðnu jafnvægi í heildarfóðrunina.

Að lokum

Beitarstjórn og gott beitar skipulag er lykllinn að góðum árangri í mjólkurframleiðslu í sumar. Með rétttri skipulagningu er líka átt við að ávallt sé hægt að bregðast við breyttum aðstæðum, hafa nægilegt beitarframboð á réttum tíma. Bregðast þarf við áður en afleiðingarnar koma fram í mjólkurtanknum!

AÐALFUNDUR BSSL

Viðurkenningar veittar fyrir góðan árangur í nautgriparækt

Á aðalfundi Búnaðarsambands Suðurlands föstudaginn 20. apríl voru afhentar viðurkenningar fyrir góðan árangur í nautgriparækt á Suðurlandi. Sex afurðahæstu búin á árinu 2006 hlutu viðurkenningu ásamt því sem veittar voru viðurkenningar fyrir þrjár afurðahæstu kýrnar, sérstök viðurkenning var veitt fyrir glæsilegt Íslandsmet fyrir afurðir á einu og sama almanaksárinu og loks fyrir besta kynbótanautið á Nautastöð BÍ sem fætt var árið 2000. Eftirfarandi hlutu viðurkenningu:

Afurðahæstu búin:

1. Kirkjulækur í Fljótshlíð - 7.556 kg mjólk - 561 kg MFP
2. Akbraut í Holtum - 7.601 kg mjólk - 556 kg MFP
3. Efri-Brúnaveilir II á Skeiðum - 7.174 kg mjólk - 523 kg MFP
4. Reykir á Skeiðum - 6.747 kg mjólk - 517 kg MFP
- 5-6. Arakot á Skeiðum - 6.674 kg mjólk - 496 kg MFP
- 5-6. Lækjartún í Ásahreppi - 6.535 kg mjólk - 496 kg MFP

Afurðahæstu kýrnar:

1. 197 í Stóru-Mörk undir V-Eyjafjöllum - f. Hersir 97033 - 11.863 kg mjólk - 898 kg MFP
2. Flís 266 á Púfu í V-Landeyjum - f. Tjakkur 92022 - 10.764 kg mjólk - 847 kg MFP
3. Rós 040 á Reykum á Skeiðum - f. Kaðall 94017 - 10.823 kg mjólk - 846 kg MFP

Viðurkenningu fyrir Íslandsmet í afurðum á árinu 2006 hlaut Blúnda 468 á Helluvaði á Rangárvöllum en hún mjólkaði 13.327 kg mjólkur árið 2006.

Besta naut í 2000 árgangi nauta

Jón Viðar Jónmundsson nautgriparæktarráðunautur veitti þeim Björgvini Guðmundssyni og Kristjönu M. Óskarsdóttur í Vorsabæ í A-Landeyjum sérstaka viðurkenningu fyrir besta nautið í 2000 árgangi nauta, Náttfara 00035.

Náttfari 00035 var fæddur þeim Björgvin og Kristjönu, sonur Smells 92028 og Góðunóttar 165 Daðadóttur 8703, í október 2000. Hann kom úr endanlegum afkvæmadómi í mars s.l. og reynist gefa afburða mjólkurlagnar og vel gerðar kýr. Júgur- og spenagerð er mjög góð en próteinhlutfall í mjólk mætti vera hærra. Jón Viðar sagði við þetta tækifæri að móðir hans, Góðanótt 165, hefði verið einstakur ræktunargripur en öll hennar afkvæmi hafa reynst með afbrigðum vel.

Náttfari er í notkun núna sem nautsfaðir.

AÐALFUNDUR BSSL

Hugmyndir að dagskrá afmælisársins 2008

Á aðalfundi BSSL sem haldinn var 20. apríl sl. voru kynntar hugmyndir yfirstjórnar BSSL að dagskrá afmælisárs fyrirtækisins en Búnaðarsamband Suðurlands fagnar 100 ára afmæli sínu á næsta ári.

Hugmyndir að dagskrá líta þannig út:

1. BSSL gefi út sérhannað dagatal fyrir árið 2008
2. Formannafundur búnaðar- og búgreinafélaganna verði haldinn um 20. janúar 2008
3. Aðalfundur BSSL (hátiðarfundur) verði haldinn í apríl og að á þeim tíma komi út afmælisritið sem Páll Lýðsson vinnur nú að.
4. Landbúnaðar- og kúasýning verði haldin 2-3 daga í ágúst
5. BSSL standi fyrir og skipuleggi utanlandsferðir fyrir félagsmenn
 - a. Hrossabændur á hrossasýningu sýningu, ótímasett
 - b. Sauðfjárnabændur í fræðsluferð til Skotlands snemma í apríl
 - c. Kúabændur í fræðsluferð til Hollands í mars/apríl
6. BSSL standi fyrir námsstefnu um valið verkefni í nóvember

Rólegt yfir viðskiptum með greiðslumark í mjólk

Frekar rólegt er yfir viðskiptum með greiðslumark í mjólk núna en þann 1. maí n.k. munu rétt um 198 þús. lítrar skipta um hendur á landsvísu. Samkvæmt tölum á heimasíðu Bændasamtakanna er meðalverð síðustu 500 þús. lítra 285,76 kr/ltr. og hefur heldur lækkað frá fyrra mánuði. Viðskiptin nú eru heldur minni en á sama tíma í fyrra og verðið er lægra. Í maí í fyrra skiptu 229 þús. lítrar um hendur og meðalverðið þá 313 kr/ltr.